

B. N. C.  
FIRENZE

8 2 2  
27



# Karst Hanns.



**D**ie fünff personen so ain gesprech vnder inen sich  
verlaufft/wirft in nachgender geschrifft vermercken/  
samt der mainung darin gesücht. Nemlich das übel  
stat ain gaislichen vnd vil gelerten man(nach seiner  
achtung)sich mißbrauchen seins titels vñ wurden/dar  
durch in gestalt ains schaffs wölffisch tück gespiert/im  
titel brüderlicher ermanung/offenlich schmehung vnd  
lesterung/durch mittel vernünfftiger vrsachen/fast auß  
lendig torecht leren geben/in beschirmung bepßlicher  
oberkeit/die durch vil herrisch beyspil/vñ haidnisch an  
zaigen/zü grund leren/vñ das größest/dz diser vnwiß  
sent gemalt theologus/wil den Christenlichen glaubē  
auf zeitlich leiblich fürstentüm/vñ haidnisch herrschaft  
gründen/darin sichern vñ befestigen/doch auß aygner  
vnwissenhait geursacht/im solichs torechts fürnemen  
das so ers in geschrifft erßffnet/vnd sein namē außgeb  
im solichs zü verweisen/auch sein klain der götelichen  
geschrifft verstand zü spot rieden möchte/doch wa im  
geling ain anfang weiters rüm vnd schanckang zü er  
langen/desthalb sein namen verhalten/sich vnder dem  
wesen(nach laut ains spruchworts. latet anguis in her  
ba)geschickt wartend was im das vogelgeflücht anza  
gen wöl/was im latin geredt vñ geschribē ist von dem  
hochgelerten göselichn Martino Luthero. das hat diser  
hailig nit mit gleicher sprach(sucht vileicht sein groß  
kunst mcht nit gnüg auß geschollen sein)sond tetlich  
angefochten/damit im nit so Luther sein vnwissenhait  
züerweisen kom vñ aigner rüm vñ schenckung samt  
dem neyd gemerckt wird/doch auß den wercken wirt  
etwan der mensch erkennt/mag im noch geschehen zū  
seiner zeit.

Dis̄ seind die fünf/ so vnder inen selbs ain gesprech  
vñ red halten. Murner. Karst̄hans. Studens.  
Luther. Mercurius.



Murner. murmaro/murmawo/murmawo  
miaw/miaw. Karst̄hans. Losen losen.  
Studens. Vater/was ist es. Karst̄ham.  
Singt man oder schreyt man. Studen.  
Hörst̄ nitt das es Katzen seind. Karst̄/  
hans. Es schreyet eben als ain mensch.  
Murner. Murmaro murmaro/murmawo/pfhy/pfhy  
auwe/auwe. Studens. Es seind Katzen. Karst̄hans.  
es ist ain selzam gesang/ yetz ist es fridsam/ yetz schreyt  
es auwe/ yetz pfuchget es wie ain schlang. Studens. es  
ist der Katzen gesang also. Karst̄hans. Ist das thier als  
das gesang/ so ist es on zweyfel ain trügelich thier/ es sey  
recht ain Katz oder ain rölling. Studens. Ain Katz (als  
die natürlichen Naister sagen) hat ain glatten balg/  
lind tapen/mangerlay farb/ genaigt sich an die leüt zu  
streichen/ vñ gern vmb den hals den herren vñ frawen  
kriechen/ ligt gern den frawen auff den schoffen. Karst̄  
So sagen die pauren im dorff ander eygenschafft auch  
von Katzū/ nemlich hat ain Katz lang scharpf negel vñ  
der den linden tapen verborgen darmit sy kratzt/ sy lasse  
gern har wa sy ist/ weñ solichs Katzenhar ain mensche  
einkompt/ macht es speyen vñ krogen/ hat auch augen  
den wolffen gleich. doch der schalckhafftigkeit/ daz die  
im tag verborgen seindt/ aber in der nacht sich mans.  
Auch lecket sy mit der zungen/ vñ mit den hindern füß  
sen kratzen sy. Auch sagt man/ ain Katz sey der neün böß  
sen wilhm ainer/ weñ im sein her: etwaz laids thū/ gang  
sy hin vñ leck ain krotten/ auch zerbeiß/ vñ also mit ver:

giffen maul vnd zungen/in angenomner alten freunt:  
schafft des streichen vñ lecken kert sy fleiß an den herren.  
zū vergiffen vñ verderben/wa sy im nit zūkommen mag.  
wendet sich dem kind in der wagen zū schaden vñ vers  
derben/beschlossen kazen seind nit gūt meiserin. Mer  
curius. periculosus catus. Studens. Vater solich aigen  
schafft mßgen die kazen auch hon. Karsth. gang wirff  
mit stainen zū in/bz sy der hencker müß wirgñ/was vn  
gemach entstond von disen falschen wörmē. Studens.  
Ich gang. Turner. mur maro/mur/pfhy. Studens.  
O vatter was greßlichen thier/es ist nit recht ain katz/  
sicht doch ainer gleich/vñ würde ye größer vñ größer/ist.  
grawfarb/hat ain selzame n kopf/dañ. so schmuckt es  
sich/dañ thut es sich auff. kom sih von wonder. Karst.  
Wa ist mein pflegel. Mercurius. misteris est. Karsth.  
Ist im minster. Mercurius. metaphicosio est. Karst.  
Ist meer. Mercurius. stulte/metaplasnius. Karstha.  
Was sage diser. Studens. er sagt es sey ain verendigung  
des leibs geschehen. Karsth. wie mag das sein. Mercu.  
Iouis sententia. Sicleus ex monacho porcus/hinc ca  
nis rodens syncera queuis. Karsthans. Sun was redet  
diser. Studens. er sagt es sey mer geschēñ. Karsthans.  
was vngeheüre selzame thier/hier bald den pflegel.  
Mercurius. noli modo experire vltra. Studens. Nit nit  
vater es ist ain mensch. Karsthans. es ist ain teufel das  
gesicht felt nit. Studens. O vater gang neher darzū vñ  
sihe mit fleiß. Karsthans. Ach gott es ist ain gayßlich  
man. Turner. Ja gayßlich vnd meer dañ gayßlich/ich  
bín menschlich vnd gayßlich. Karsthans. ich habe nit  
gewist. Turner. ich wil dichs lern wissen/du solt leicht  
ter den teufel belaidigt hon. Mercurius. opera spiritus.  
pazent. Karsth. Lieber her/ir müssen vns dorff leiten.  
verzeihñ wir wissen nit wie ain solch gayßlich man sol

gehalten werden/hab nit gewisse dz ir auff den tect er-  
 umb lieffen/vñ abwegluchen/gayßlich leüt sollen bey  
 nacht in klöstern sein vnd beten/vnd metten singen.  
 Mercurius. obstant nundine musarū. Karstha. Was/  
 gatt er musen. Murner. Du silz gehörest auch in mein  
 gauchmaten. Studens. Vater biß zlichtig. Karsthaus  
 Ich hñ wol/ir gond mit geüchen umb. Murner. Laß  
 spöten ligñ/sindest nit das du mainst. Mercu. certe ha-  
 bitu alienissimū. Karstha. Ich hoff ir seind ain fröm-  
 mer gayßlicher herr. Murner. Ich bin der teüfel auff dein  
 kopff. Mercurius. Affinis. Studens. Ey vatter du solt  
 nit mit solichen hohen leüten reden machest sy zornig  
 Karsthaus. wie kan also ain gayßlicher herr ain teüfel  
 sein/herr got behüt/wie ist der man so zornig/hat eben  
 das gesicht das ich in der nacht sach do er also marwet.  
 Murner. Das dich der ritt schend als paurens/du müß  
 gen Rom tanzen/was hast du mich zu rechtuertigen/  
 sichstu nitt wer ich bin. Mercurius. Magnus. nebula.  
 Karst. Leber herr wie haissent ir. Murner. Frag den  
 studenten. Studens. O vater es ist ain grosser man ich  
 hon sein titel gelesen/er ist ain Poet der mit ain Lorbo-  
 nen kranz gekrönt ist/vñ ist doctor in beiden rechten/  
 vñ ist doctor in der hayligen schrifft/über das ist er ain  
 gefreyster ordens mā haist Thomas murner von Straß-  
 burg. Karst. hab ich recht verstandē so ist er ain planet  
 mit lorbonen vñ ain doctor im rechten vnd ain maister  
 im stift (Marcu. equidē) Wie ist er ain gefreyster ordens  
 man. dz er den orden nithelt oder wie. Stad. nain/er ist  
 also gefreyst/dz gnüg ist weñ er die kuten anhat so mans  
 sicht. Karst. Ich hñ wol/der orden ligt alain an der kuc-  
 ten. mag darneben wol ain büß sein. Merc. de facto  
 Stud. mag auch durch alle land ziehē in freyhait seins  
 ordens/erwan die kuten abziehen vñ ain spieß tragen.



mit abgeschnitten getaylten hosen/ den teggen im katz/ balg/ mag auch verkläidet in die lupanaria gon. Mer/ curius. quotidiana. Murner. ich sih wol wa es hinauß wil/dñe notarie corā nobis ⁊ his tribus testibus. Mer/ curius. Scilicet fraus mendaciū (hypocrisis) protestor veritatem iam dictam in meā personā/ das eüch pochs hoden schenden vñ plendē/was hond ir ain gaislichē man sein hailigkeit auß zū schreyen/in der gmain lieb vñ werd zū machen/mainen ir das solichs niemā wiß dan ir. Merc. das süßhüpschs parnßel ain gesel. Stu. olim hec. Karst. was/wil er vns ðlen so wöllen wir im nach vñ mit stecken schmiren. Mur. du bist ain gauch Karst. vñ du auch. Mercur. bona mercamina. Scu. vater verred dich nit/wañ er ist ain jurist. Karst. mag wol sein ain kalter chriß/oder ist er ain kist. Merc. vere cista nequicie. Karst. was sagt der aber. Stu. er sey ain wele weiß man. Mur. dafür soltu mich hon. Karst. so ist not das ir gefreyt seind auff das eüch des ordens regel nitt verhinder/wañ im kloster gaislich vñ in der welle listig zū sein/mag nit bey ainander ston. Mur. Incompati/ bilia auctoritate Pape vniri possunt. Karst. was/ligñ ir übel. Mur. du pauren klog/ iniustū est vt monachis operantibus/serui eorū ocio torpeant. distinc. liij. c. ab bati. Iterum viciū est indignis secreta vulgare. distinc. xliij. ca. fi. Karst. Ja warlich stincken ir von secret/wi glauben das ir vil scheißheüser durchlossen seind do ir noch ain katz waren. Murner. nag sin. Karst. Is mein auch also. Mer. condimenta. Karst. losen/wer klopffet so an der thür. Stu. O vater es ist doctor Luther. Merc. ha disponentia fata. Murn. so der kompt/ist mein zū vil hie laß mich hinden auß. Karst. ich hab mein tag gehört ain krew sey gern bey der andern. Murner. er ist ain bñse krew/krewt böß ding. Merc. optima psitacus



isse. Karsthans. warumb verbergen ir elich vor jm/ich  
hö: vil gütes vom Luther sagen/ das er ain from Chri-  
sten man sey. Murn. vermeldet mich nit hie/ er ist ain  
kezer/vnnd ich hab mich vnder sich vben/das ich in für  
ain kezer reysen wil. Karsthans. Warumb disputieren  
ir nit mit jm personlich/als doctor geüßtes geiton hat  
zu Leypsig. Studens. Ja vatter/doctor L. als elich  
sagen hat nit vil eer noch sig eriaht am Luther. Murn/  
ner. Coniuro te adolescens/ ob mutescas. Studens  
Modo Karsthans Er hat doch dermassen geschrien  
vnnd gefochten/das fast nyemandt vor jm zured hatt  
mögen kommen. Auch ist er sein krank worden (do er  
also im sand sacht) vnd hetten elich von Leypsig jm  
nit so ain bewerten Maister geschickt zu ärzneyen/ge-  
laub ich der Erticum sampt dem innern neyd zusamen  
hetten jm das hertz ab getrucket. Studens. Was ist es  
für ain arzet gewesen Karsthans. Wen ich das hoch-  
gericht halt in dem dorff an meines Jundherren stat  
etwan schick ich auch nach jm. Studens. Mir nit des  
arzets. Auch hat der Papst dem Ecken fünff hundert  
ducaten für sein arbayt geben/vnnd wenn der Ecius  
doctor Luther het liberrundē (als er vnder ist gelegen)  
wolt er ain Camal mit den brayten hüten auß jm ha-  
ben gemacht. Murner. Ich hoff mir sol auch ain feder  
von diser bösen Krewen werden. Karsthans. Ir mai-  
nen vileicht auch fünff hundert ducaten zu erst maro-  
gen wie Ecius. Murner. Avarus graciosus aurū in-  
tuetur quam solem/distinc. rlvj. cap. sicut. Karsthans  
Ich hö: wol elich geleten ist es mer vmb's gelt vñ r' in  
der welt/dañ vmb die warhait vnd eer gottes. Murner  
Mendicat infelix in plateis clericus distinc. xcij. cap.  
diaconi. Mercurius. Eadem distincti. Propter auariciā  
sacerdotum sepe odia consurgunt. Murner. Occultum

vulgo. Karsthans. Der Luther kompt. Murner. Abi  
Karsthans. Seheñ hert/lassen vns mit jm ersprachen.  
Murner. Ich vñ mein gesell haben schüfflich jm ain  
muster zemen blasen/darñ wirt der Luther wol merck  
en waran ers gefressen hat/dz jms der teüfel in hals ge  
segnen müß. Karsth. Da behst jn got treülich vor/wie  
seind ir ain selzam gaistlich man/thünt nichts den flü  
chen/schelten/toben/vnd den leüten böses wünschen.  
Stu. die doctor procedite. Murner. So ich gütz im syn  
hon / entristet mich der tropff/ia er wirdt wol sein ir/  
tung darauff version. Karsth. ye so bleiben hie so ir jm  
geschriben hond so kent er eüch wol. Murner. Mir nit/  
das ich vil mit jm disputier/wie wol mit spitzworten  
(so ich in meinen grossen büchern gelernt hon)ich nit  
vnderligen hoff/aber er wil mer durch das Euangeliũ  
vnd Paulum/ vnd des alten dings/ alle ding beweret  
haben/ darauff ich mich nit vil gelegt hab/wañ es alt  
baydnisch werck ist/wer es aber der new thand/als da  
seind die gauchmatten/narren beschwerung/vñ schel  
men zunft/vñ dergleichen theolögi, wölte jm das helm  
lin nit lang verginnē. Mercurius. Nunquid gloriosus  
theologus. Auch hab ich mein namē nit darein geschri  
ben/auff das er nit wiß das ichs thon hab. Karsthans  
So ir so ain hochspiziger man seind auff die new ma  
nier/stünd eüch wol/das ir jm eüwern namen nit hert  
ten verhalten/auch auff das/ das die andern geleerten  
leüte eüwer scharpff reß him erkennen/vnd künfftigen  
sig in eüch erhofften. Mercurius. Mendacia et scan  
dala. Murner. Es hatt nit noth / wie wol mein nam  
nit darinnen stat/noch meins gesellen namen/so kom  
men wir doch gar haimlich zu vnsern gütten gesellen.  
(Mercurius. Sine zizanie) söllich vnser list vnd weiß  
hait in ain or:geraunet ins hertz vnder der rosen geredt.

Auch hab ich meine sprichwort so geschicklich darain  
geschickt / das ain leichtuerstendiger (so mich in aller  
welt hat hñen predigen) wol mercken kan wa das saltz  
her fließt/nit auß ain schlechten hafen/ hab nit on vñ  
sach den gnedigen herin zu Straßburg mich solichs ge  
chon haben / in gehaim anzaigt in hoffnung groß eer  
vñ schanckung dardurch zu erlangen. Mercurius. Pyra  
midem gemidis. Murner. wie mainst du gesel. Karstha  
Ja mum muin Murner in dich. Studens. Durch die  
Adagia Erasmi. Murner. nain/ich hab als wol Ada  
gia vñ sprichwörterlin als Erasmus hat/ ja vil scherps  
fer vñ köstlicher. Erasmus hat zusamē gelesne matery  
auß alten historien vnd poeten/wölche von tugenden/  
vnd dapfferkeiten sagent. Ich aber hab mir selbs den  
rüm vñ lob behalten das ich nit auß frembden rünflin  
wasser entlehen/ sonder meins bunnitz mich ersettigen  
Karstha. lieber her Murner sagen mir doch auch von  
eüvern sprichworten. Murner. Das ist ains/ hast nit  
mein gens gesehen. Karstha. das ist schlecht weißhait  
von ain solchū gelerten man. Murner. es ist so schlecht  
das ich ain gangen fasten teglich darvon gnüg zu pre  
dign het zu Freyburg in preysigaw/ wiewol fast niemā  
dazū kam. Karsthans. als ich hö: so hat Erasmus vil  
geschickter reden dan ir/ eüwer red ist nit dan von gen  
sen/ geüchen/ schelmen/ leiben. Mercurius. Corualia  
Murner. du hast ain rechten namen Karsthans/ wa n  
ich dir den namen auß meinem gauchbüch geben hon  
verstaist nit was haimlicher weißhait vñ gaislicher sin  
diewolter auß im tragē. Sta. vater doctor Luther wart  
Murner. gang zum grüninger dem trucker vñ haiff dir  
zway büchlin geben/ dz erst hat ain solichen titel. Von  
dem bapstlūb dz ist von der höchsten oberkeit cristeliche  
glaubens/ wider doctor Martinū Luther/ ain köstlich

o ain wolgegründes büchlin/ durch göliche warhate.  
Mere. per plana mendacia. Das ander büchlin hat diß  
sen titel. Ain chrisiliche vñ bñderliche ermanñg zñ dem  
hochgelerten doctor Martin Luther Augustiner ordens  
zñ Wittenberg/ von der haßligñ meß 2c. diß 3way büch  
lin laß dir lesen hñ: zñ so wirstu erst erlenñ wer ich bin.  
Ob ich noch (wiewol die selb natur noch gang in mir  
ist) ain katz oder rölling sey/ od ain chrisilicher leter/ adē  
bon an/ der Luther vertreibt mich. Karst. amen. Stude  
bene ventat nobis dñs doctor Martinus Lutherus. Lu  
ther Parhuic domui Karst. O heri Luther seind vns  
wilgethomen/ was bringe etich in diß land Luther Die  
ainfalt des teütschen volcks Karst. wie das. Luther/ dz  
die teütschen so ains klainē verstands seind/ was man  
inen voispilt vñ thantet/ das glauben sy gleich/ synnen  
im nit weyternach/ damit werden sy vil betrogen/ vñd  
von den außländern verspottet Karst. dauon weiß ich  
nit/ wer thut solichs vnser fürsten vñ heren Luth. nain  
od gar wenig Ka. ich weiß nit aber es hat lang in mir  
getodert man werffet wan den gmain man über dz sail  
lieber heri geben mir des ain anzaigen Sten. vater er ist  
der man dauñ der Turner gesagt hat/ wie er ain kexer  
sey vñ sey im ban Karst. O heri seind ir im ban vñ ain  
kexer/ so heben etich bald hinaus/ wa ist mein pfeget  
Luth. mein freünd/ hat nit mein widersecher der Turn  
er in seim büchlin geschribē dz kainer parthey zuglau  
ben sey/ vor vñ ee dan die sache erfundē vñ nit recht auß  
geschryē ist/ warüb gibstu dan im (als partheyschē) glau  
ben. vñ mir nit. so noch ain frey conciliū nit darüber er  
kent hat Sten. vater gang sein müßig ich halts mit dez  
Turner Karst. laß vor seine bücher überhören Luth. so  
tünd so wol vñ gotes vñ der warhait willen. hñren vñ  
lesent meine bücher auch in gleichem fleiß als meiner

feind bücher vñ kein tail angesehen sonß lauter vñ bloß  
die warhait vñ vernunft/dan so vitaylen zwischē mir  
vñ allen mein feindñ Merc.āquū. Stu.noli os ponere  
in scenū Karst. sun du soltes baß wissen dan ich (so ich  
vil gele an dich gehencke hon auf der hochñ schül zū Cō  
len) dz der gūte heri mart. luter ain billiche sach vñ maiss  
nig vor jm helt/baid parthey vor vñ ee verhörd den vñ  
tailn od verdamē Stu.o vater du hast paurn regel/nic  
also/ich hab zū Cōln anders gehöret von vātern s. dñici  
vñ doctern/ja von ain haist hochstratus ist ain kēzer/  
maister Mer-heresiarcha Kar. was/ist ain monsiantz  
ain kēzermaister Stud.dn verlast übel bist des latins  
nic geübt/ja der selb hochstrat sagt es sey nic gūt noch  
sicher mit solchen leuten zū disputieren noch audientia  
zū gehñ/nochrecht volgen lassen wann sy zū gelere feind  
vnd die kēzermaister offte zū schanden gemacht haben  
Also thet johānes huss/also dergschwind Hieronymus  
zū Costniz het man sy lassen zū antwort komē sy heten  
das gannz concilium geschendet / aber das für kam zū  
aller hilff/also in disen jaren doctōr Reuchlin/der groß  
schmach vñ nachtail den kēzermaistern zūgefüge hat dz  
er mit rechte erkent ist zū Speir als gerecht vñ aufrichig  
in sein leren/vñ hetten die gaislichen vāter prediger or  
dens nic so großhilf im kēzermaistern thon mit vil sch  
andungen vñ trūng des bapsts/dz der bapst den sen  
tētz gen Rom hat zogen vñ da mit vnwillē ab erkent  
was mainst dz in schand vñ schaden do erstanden xx.  
Weyter was wunder ist geschehen im xx. iar zū Nentz  
do kam ain legat von Rom dahin/verschüß dz mā solc  
des Luthers bücher offelich verbrenne/do yedermā am  
platz stünd vñ wartet der geschichte/do frage der hēcker  
ob vitail vñ rechte geben het dz man die bücher solc ver  
prennē/do niemā jm des ain warhait kund sage/sichß

nachgültig mensch wolt nit richten/vñ gieng hinweg.  
O was grosser schand vñ schmach ward do dem legacē  
bewisen/vñ wolt er nit mit schanden gar geston/müss  
er den hencfer lassen überreden mit listen vñnd gaben/  
auff den andern tag/das er bey zwey oder vier büchlen  
verpriant/ich het vermaint/ er solt nit weiters gefraget  
hon/angesehen des bapsts legaten/vñ ernstlich befelch  
vñ der kczermayster ampt. Mercurius. docta rusticitas  
germanorū. Karsthans. wie mainst dan/wen es dartzū  
komen würd das alain der gewalt recht wer. Ja wenn  
der bapst ainen gauch von Rom schickt mit gwalt/ ja  
sach mir den/verpreiñ disen/schmir mein p flegel würdt  
sich regem Studens. O vatter du mainst es sey mit des  
bapsts gwalt als vñ ains vogts im dorff(als du bist)  
der nit aines halms braut handelt (mit willen) anders  
den mit recht/vñ erkantnuß seiner vñsiger/welsche all  
grob pauren seind/ vermainen wen sy anders vitaylen  
den klag/antwort/vnd kundeschafft gibt/sy weren des  
teufels derding nichts beim bapst/sonder zu vilmalen.  
Sic volumus/ sic iubemus/oportet/sufficit vicisse.  
Karsth. ist er dan der aller hailigst an gottes stat/vnd  
lasset so'grym die leüt tödten/was im gefelt muß recht  
sein. ist er an gots stat/sol er auch erzaiget götlick e werck  
als gerechtigkeit/weißheit liebe/gunst/gedultigkeit/  
hailigkeit. Stud. was plaperst alweg dein tandt/was  
sol ain vñlli des gwalts wen man in nit brauchen sol.  
wilt stets auf dem euangelio ligen das man den paurn  
sagt/haist nitt gemacht/werest du auch zu Cölen vñd.  
Löwen auff den hohen schülen gestanden/da gelert leüt  
seind/vnd hettest das gaislich redt e gelesen/vnd Guar  
yeteriū/syluesterū (Mercurius. magistrū porcorum) de  
prierio in seim grossen buch/fast güt nach mitag/dem  
Ecken/vñ was des dings ist/du würdest ganz anders/



Das du yetz für groß sünd achtest/ würd weißheit vnd  
 dapferkeit. Der bapst hat volkomē gwalt (Mercurius  
 Super pediculus) gat darinnē vmb wie er wil/ sol nie-  
 man fragen warūb thūst du dis oder das. Karsthans.  
 lieber sun/dieweil du so gelert bist worden/sag mir hat  
 ain schaffner mer gwaltes dan im sein her geben hatt.  
 Ich als ain pauer/acht nain/wen ain fürst sein ampt  
 man ain gwalt (ja gmainē gwalt) verleiht/ist doch al-  
 weg des fürstē mainūg/dz solcher gwalt sich nit weiter  
 erstrecken sol dan zū eer dem fürsten vñ nuz dem land/  
 wa ain ampman die burger schinden tōden on schuld-  
 oder die gäter im selber zū aigen machē wōlt/ oder das  
 land ain seiner feinde übergeben/wil nit glauben das  
 der fürst solichs gestattet/oder dermassen den gwalt im  
 verlihen hab. Nun hat Christus seine jünger vil gelert  
 wie sy sein sollen/was sy thūn sollen/wa vor sy sich hā-  
 ten sollen/was ir ampt sein sol/vñ solichs ist im euan-  
 gelio geschribē. so ich bey vnsern zeiten sihe vnser bepst.  
 vñ bischoff/ so seind sy gleich das widerspil/nit anders  
 dan wern sy haidn. Studens. O vater du bist ain pfaf-  
 fen feind/ir paurn seind alweg den pfaffen gfer. Karst-  
 es ligt am tag. Stu. noli os ponere in cenū. sy halten dz  
 euangelio. Karsth. es seind eben bey vier zeilen im gan-  
 zen Euangelio die halten sy so starck/dz sy im vil zūvil  
 thānd. Studens. Das wil ich gern hōren. Karsth. Die  
 erst zeil (so du hilff mir/ich kan nit wol latein) du bist  
 petrus/vnd auff den sant peter wōrd ich pawen mein  
 kirchē. Mercurius. O das ist ain kōslliche zeil/tregt vil  
 nuz. Karst. die ander zeil/waydet meine schaff/die drit-  
 zeil. w3 sy eūch sagē dz thūnt. die vierd zeil. wer eūch ver-  
 acht der veracht mich. Stu. wse mainstu aber. wern die-  
 iij. zeilen oit w3 wer vnser ding. Karst. die iij. zeil habē  
 vil ain and mainūg dan ir vns fürgebē/die ganz welt.



gat yetz mit den vier zeilen vmb Studen. die vier zeilen  
seind die heimliche stück des Chrißtlichen glaubens die  
doctor Murner sage verboten sein zu rüelen vñ erforsche  
Karsth. wie vater Martine/ was sagen ir darzu/ so ich  
vñ mein schlodientz (wie haist student) also sechtz mit  
ainand Luther. was am liechten tag ligt darff nit das  
man mit kerzen darzu leucht/ es ist selbs lauter gnüg.  
Vmb diser vier zeilen willen bin ich in angst vñ not ko  
men/ wann wer die iiii. zeilen rechtuertigen wil der hatt  
den hals verlorn Kar. nit also lieber heri/ es gehöret mir  
darzu/ ich hab etlich büchlin so ir gemacht habñ höien  
lesen vñ weñ ich hinder sich oder forsich gedenc/ so ißs  
eben die warhait Luth. die warhait bringet mich in not  
dz ich niendert sicher bin Karst. lieber heri Luther schrei  
ben in vnser sprach zü teütsch die götlich warhait/ auff  
dz wir ainfeltig layen auch mögē lesen/ doch dz es war  
sey/ vñ in der hayligen geschrißte verfasset/ als dan nar  
hent al eiuwer schreiben güt anzaygen gibe/ vñ lassent  
vns sorgen ob wir eücher retten vom gualt des bapsts  
vñ der brauten hättträger/ es sey dan dz vns güt füst har  
nisch schwert vñ helbarten sampt gütin geschütz nit  
helffen mög. Teütsch land hat von alter her noch (von  
gottes gnaden) den preys gemainlich behalten/ es sey  
welch oder frantzösisch haben sich vnser rauhen kspff  
müssen aufs wenigst entsezn/ wa kem wir da hin/ wer  
das hailig euangel recht leret/ den wolt der bapst mit  
gewalt verderben/ nit des dings/ wa ist mein p flegel  
Stud. insa nit. Mercuri. seruet iusticia. Luth. nit lieber  
fretind/ es sol von meinewegñ niemant sechten noch  
todtschlagē weñ Christus solichs het wöllen/ er het wol  
rñ. legten zu hilf vermischt der engel/ noch al zwölfs pot  
ten solichs nit begert hond sond gedultig vmb der war  
hait willen den tod vñ marter gelitten. Ich far weyter/

mögen baider partheyen main üglesen / vñ das nügese  
drauß lesen vñ neme; got sey mit euch alle Karst. lieber  
herr/got beware euch alzeit. O sun dz ist vil ain beschaide  
ner herr; den der Murnar. Studien. vater gang in adler  
Karsth. es ist yetz winters zeit nichts nutzlichen im feld  
zehandlen/nym doctor Murners erste büchlin vñd liß  
mir dariñ / damit ich der fremen leitetler auch xernem.  
Stu. so merck eben auff Karst. heb an Stu. Diß ist das  
büch von dem bapsttüb / das ist von der höchsten ober/  
kait christlichen glaubens/wider doctor Martin Luther  
Karstha. der titel gefelt mir nit/ wie halt das büch ist  
Stu. wie das. Mercur. bonū aucupū. Karst. do bedun  
det mich das Christussey die höchst oberkait des Chri  
stlichen glaubens/dieweil er der ainig gespons oder  
priettigam ist vñ kain ander/vñ die gespons oder priau  
kain andern man erkent/sunst wer sy vnrain vñ rungle  
nit ain raine gespons Auch ist die gespons nit mißhel  
lig mit irm priettigam/aber mit dem bapsttüb ist sy na  
hent alweg mißhellig/was aines wil/will das ander  
nit Item die gespons ist gaislich/diser Römisch ist  
leiblich vñd weelich Stud. hat dich der nit auch gelert  
gemacht/loß mir auch Man leügnen nit daz Christus  
Jesus das oberst haupt vñd der recht gespons ist/aber  
er hat ain leiblich haupt nach sin verordnet auff erden  
dem gwalt gebe Karst. woz darfer ains leibliche hauptes  
so sein spons gaislich ist Stu. darß dieweil die spons  
noch nit ganz entlediget ist/sonß teglich sich muget vñ  
ziert zu der hochzeit/vñ die freünd des spons durch den  
leib vil enzyogen werdt von der frölichen sin des prieti  
gams zu höien/ist billich dēleib nach auch ain leiblich  
haupt auff ertrich nach Christo zusein/welchs die form  
der dienstbarkeit vñ enangelische ler wie Crissus vf erd  
geführt nit wie yetz im himel hat verfür füran dadurch  
dz leiblich haupt etwz verderblit mit den schäfen bewiß

hülfflich die similitude zu temme/das der gayst ye mer vñ  
mer gelediget werd durch die gnad Jesu Christi vnfers  
herren. Mercurius. O hi vbi sunt. Karst. noch verbinde  
diß dein vernunftig ansehen nit das ain leiblich haupt  
desßhalben not sey. Gibs zu/dz nütz vñ güte sey gaislich  
leibliche oberkeit zu haben. dieweil aber Christus mer  
dan ain zu sollichem ampte beruffte hat/mag sant Peter  
nit alain dz oberst haupt sein/sond die andern Apostel  
mit im gleich/vñ yetz die bischoff an ir stat/wan das/  
so Christus inen hat empfolhen/hat ain yetzlicher niß  
gen sich des gebrauchten vñ üben/als dan das offentlich  
in den geschichten der Apostolen stat/on eintrag aines  
apostels gegen dem andern/nit als yetz die bepst/cardi  
nel/bischoff/prelatten/pfaffen/sich halten gegen ain  
ander/gleich wie die hechten in ain weyher/da allweg  
der gewaltiger den schwächer frist vñ dempft biß dz  
sy nahent al gefressen/vñ dem größten im magen zßas  
men komen/dz doch ain wolff stuch ist in christlicher  
senfftemütigkeit. Darüb die vierzellen ob bestimbt fast  
argwönig von inen vns an tag gelegt werden. Stud.  
Ey wie lang ligst du im titel dis büchlin. Karsthan  
was ist vil lesen vñ nit verston muß dennoch ain ainfel  
tiger lay etwan fragen. Mercur. odiosissimū pontificis  
Stud. Zum ersten gibt doctor Luther sechs visachñ dz  
das bapstumb durch gottes verhengtnus vns zu ainer  
straff gegeben sey. Karsthan. Laßhören/ee wir darauff  
komen. so zaigt daz büchlin an ain hohe anklagung von  
dem Luther gethon/nemlich das in christlicher kirchen  
etwas sol mit lieblosen geredt werden oder mit lügen.  
Wan Christus vnser lügen nit bedarff/auff soliche an  
klagung antwurt der hochgelert Turner in der hayli  
gen geschripte doctor/dzer sein lebtag kein man (ausge  
nomen Lucianū) von sein warhafftigen reden gelesen

hab/oder vnder allen schreibern erfunden hab/der sich  
hsher vedingt vñ berümpft hat die warhait zů reden  
doctor Luther 1c. Karstians. Ey eyey/hett ich gewisse  
das Murmaw so ain man vil rümens wenig darhin  
wer gewesen/ber mich nit enthalten mügen mein pfe  
gel wer im auff den sack gelegt. Stud. Warum lieber  
vatter. Karstians. Da sihe ich das er ain gauchmacher  
ist der nit vil in der hailigen geschrieffte gelesen oder ver  
standen hat. Studens. Er ist doch doctor in Theologia  
Karstians. Ja in narrologia. Studens. Du schmehest  
in mit Worten/thu dar dz er nit vil in theologia gelesen  
hab. Karst. Gern/ich höz lesen im ewangelio das Chri  
stus gesagt hat/ich bin der weg/das leben/vñ die war  
hait. Item Joān. 8. So ich zeignuß gib von mir selber  
so ist mein zeignuß warhaftig. Nun ist Christus auch  
ain man gewesen. Itz der zwölffte Mathens in seiner  
vorred seins Euangelij am end sprucht er also. Vns ist  
wrsach diser arbeit gewesen (vñ maint er warüb er dz ewan  
gelij geschriben hab) fürzulegen ain warhait oder glau  
ben geschehner ding 1c. das ist ye ain rüme der warhait  
Item der dult Euangelist Lucas in seiner vorred seines  
Euangelij/berümpft sich das vil seind gewesen die sich  
habn vnderstanden nach geschicklichait die geschehen  
zů schreiben/der ding so durch in erfült sein 1c. da berü  
mpet er sich das vil vnvolkemi das Euangelij geschri  
ben habn/aber er habs erfült. 1c. Item der hailig zwölff  
te Joānes in seiner erste epistel hebet an in diē wort  
das da gewesen ist von anbegiñ/das so wir gchört ha  
ben/das wir gesehn habn mit vnsern augn/das wir be  
sehen habn/vñ vnser hend getast/von dem wort des le  
bens 1c. wie künd doch offenklicher berümpf der war  
hait zů schreiben berümpft werden. Item Joānes der apo  
stel in seim buch der hailichn offenbarung kan nit ge

nüßsam gebenedeyen. Den so dz selbig büch vngeselsche  
lassen. dargegen wünscht er alle die plagen über den so  
das selbig büch felschen/wan dz selbig büch so vol war  
hait sey/das ain yegklichs wörtlin groß haimlichkeit in  
habe. Item im euangelio Joannis xix. da bezeugt Jo  
hannes der euangelist nur fast die warhait so er gesehen  
hatt/ do man dem herren Jesu sein hailige seyen auff  
thet/wie sein zeugnuß warhafftig sey etc.

Item leß diser theolögus viler berühmß den hailigen  
Paulū der berümpet sich nahent in allen episteln seins  
apostolats/welchs nit anders ist dan ain bot der war  
hait/berümpet sich wie er dz euangelion mittel von Cri  
sto gelernt hab. Item wie er sagt zu den von Corinthis  
1. am 4. capitel. Mein red vnd mein predig stat nitt in  
menschlicher berebung oder worten/sonder in erzaygung  
des gaists vñ der krafft/auff das ewer glaub nit sey in  
weißhait der menschen/sonder in der krafft gotes/wan  
die weißhait redt wir vnder den volkommē. 2. 1. lieber  
rölling was Paulus mit seiner euangelischen basonen  
thonet/was grosser warhait seiner red ersich berümet.  
Scheint wol dz doctor Murner mer an der ganchmat  
ten gefolget hat den in der hailigen geschriffte studiert.  
Mercur. Nova aurea secula. Studens. Vatter du hast  
ain gute ainfaltige mainung/aber du bist deins munds  
nit behütsam. Karsthaus. wa mit. Stud. Wiewol du  
genüg anzaigen thust daz doctor Murner fast wenig in  
den euangelien vñ episteln der zwölffboten/vileicht gar  
nichts in Paulo gestudiert hat/ye doch so ist er ain vers  
rümpet gelert man/den du nit so leichtlich nennen solt  
als rölling. Karsthaus. Wen das saltz ertaubt vnd vn  
rürlich wirdt/so ist es sunst zu nichten nütz/dan das es  
von den menschen mit süßen getreuten werd. Mercuri.  
hectibi signabis Murnar. Liß weiter. Studens. Sage.

Luther weyter/er mög leiden dz von des glaubens war  
hait offelich geredt werd/darauff antwort doctor Mur  
ner es sey war nach laut des euangelij.vnser glaub wol  
erleiden mög dz man in auf den techern predigen mag  
Es seind aber etliche stuch vnfers glaubens so man sy  
rüttelt nit nutz darauff entstand. Karsthans. des euan  
gelij halben zupredigen seind sy baid ains. ich hbi aber  
das doctor Murnar mer stuch des glaubens/ vñ die als  
haimlich zusein/ die nit zu rüttlen oder gründenseind/  
es seind vileicht als von der hailigen trisaltitait. Stu  
dens.wol ist es auch ain stuch/doch ist sein mainüß yetz  
mal nit/auch nit wie got mensch sey worden/oder der  
gleichen/wan die theologen die ding all durchgründñ  
vñ bey aim nadelspiz durchneyset. Karsthans.wil glau  
ben sy felen dennoch zu malen bey aim pauus springe  
Stud. O nain vater/wan es als in warhaiten vnd be  
schlußreden vnwidertreiblich durch sy verfasst ist.  
Karsth. Warüb seind sy dan so widerwertig selbs in al  
len dingen. Studens.sufficit. Karsth. Also haist mein  
schweinspieß/du sagst mir aber nit die haimlichñ stuch  
des glaubens/so doctor Murnar über den Luther trüß  
phiert. Stud.das ist ain haimlich stuch des glaubens/  
der bapst zu Rom vnd sein herschafft wie er auff komē  
ist/vnd souil land vñ leut libertomen (Mercurius. per  
phas ⁊ nephas) hat/wie er allen gwalt Cristi auf erdñ  
hat/was er thut ist alles recht/wan der hailig gaist in  
nit laße irren noch vnrecht thün. Item das bey verliere  
ung des hymels ain yeglich mensch dem bapst vnder  
wo:ffen ist. Item dz kein mensch bey ainer tod/vñ glau  
ben sol dz der bapst ain viertail ainer stund in todsünd  
sey. Item das der bapst alain in der hailigen geschrieffte  
rechte syn vñ mainüß anflege sol. Item dz der bapst orden  
liche sollen gwalt nit alain aufertrich/ auch im segeste



hat Karsthans. **H:** des glaubens wil züvil werdē  
mein glaub helt deren artickel gar kainen in jm. **Stu:**  
Es seind noch mer glauben. Achanasius hat auch den  
glauben vil weitleüffiger geschriben dan du in betest.  
Karst. hat er ain andern glauben dan ich. **Stu:** Nain.  
ist eben der selb dan dz die hailig trisaltitait in den per  
sonē lauterer außgesprochen werden vñ die menschwer  
dung Christi. Karsth. Sagt er aber auch von des Mur  
ners haimlichen glauben. **Stu:** nain. Karsth. Was/  
ist mer ain glaub vor handē. **Stu:** Ja/so im concilio  
Niceno beschriben ist/den singt man all sonntag in der  
dorff kirchen. Karst. Der selb ist vil lenger dan meiner.  
der selb helt vileicht solich haimliche stück in jm. **Stu:**  
dens. Nain/er ist wie der glaub von Achanasio beschri  
ben ist/dan mit etlichen worten anderst außgesprochen.  
Karsthans. wa ist dan des Murners glaub/da wilt du  
mit herfür. **Stu:** Ey es seind artickel vñ meinung der  
lerer vñ doctoren/so sy nach vñ nach erfunden haben/  
als ist sant Tomas prediger ordens/ vñ al nach im des  
ordens haltent obgemelte stück mit dem selb vñ sunst  
als Scotus/vñ des dings. Karsthans. **H:** wol wenn  
man also machē wil werdē zületzt der artickel des glau  
bens ain groß büch vol. Mercurius. de facto. Warumb  
hat vnser herr so ain ainsaltigē schlechten glauben auf  
gesetzt daran er sich benügē lat/ich wils mit jm haltē  
wil bey meinem alten paurn glauben beleiben/es kem  
bald darzū das ich in ain yeklichen traum ains rollen  
münchs glauben müß/nicht des dings/der frum doctor  
Martin Luther leret noch recht/last den glauben auff  
Christo bleibē/damit auß. **Stu:** Nach deiner peirischē  
meinung so warden stül auff benck hupfen. Karst. wie  
dem. **Stu:** Doctor Murner sagt in seim büchlin/man  
sol die ding vngeristete lon/wan es auffrur wider die



1  
ofterkait bring. Karsth. Es ist mein mahnung nitt das  
man der oberkait widerston/ noch die darüchten sol/ es  
mag sich aber ain oberkait so grob vnuerfchempt seins  
gewalts mißbrauchen das solichs zu schad schand vnd  
wider al vernunft sich selbs offentlich anklagt/ mainst  
nit ob sich gebüren möge/ das solchem schedlichem ge  
walt ratgehon mög werden. Stud. Ja wa man rechte  
ordnung helt ir pauren aber habent nitt vernunft. in  
solichem. Karsth. Lieber sun/ was ordnung hielt sannt  
Paulus do erfür den bischoff gefenglich bracht/ vnd  
do auß gehaiß des bischoffs an sein backen geschlagen  
ward/ antwort Paulus dem bischof. schlag dich got du  
geweißendee wand/ wie was er do so vnzüchtig gegen  
seiner oberkait. Stu. was mainest das Paulus mit der  
geweißten wand gemaint hab. Karsth. ich acht er hab  
vermaine das diser bischoff nitt kunst vñ gerechtigkait  
gehabt sund nach seiner sinlikait den gwalt gebraucht  
hab/ deßhalb Paulus in seins mißbrauchs halb des vr  
tail gotes erinnert hab/ dardurch anzeige dz ain bapst  
bischof wa der nit mer hat den alain den titel der ober  
kait/ das der nit anders sey dan ain schein vñ kuntersee  
Stud. gnüg/ du plüperst einhin waist selbs nit was.  
Karsth. an. noch ains/ so mich ain solich geweißet ober  
kait verfürt/ bin ich nit als wol verfürt vñ verdoiben/  
als so ich mich selbs verderbet/ nach dem wort Christi/  
so ain blind den andern fiert fallen sy baid in die grübe  
Stud. hey vatter ich wolt du werest wißiger/ haiffest  
den bapst vnd bischoff blindenführer/ das ist wider den  
glauben doctor Murners. Karsthans. wider was glau  
ben redet Christus Matthei am xv. da Christus mit  
der oberkait der juden redet vñ nemlich von der übertret  
ung der gesaz/ so ir erlteren/ weisen/ raboni. vñ fürsten  
der püeffern auffgesetzt hetten/ wölch gesaz die gütten

Apostel übertratn. sprach Christus. warū vñ libertret  
ir die gebot gots durch etwer aign ordnūg vñ statutz.  
vnd hernach stat geschriben / verlassen sey / vermainet er  
die Juden mit iren tradition vnd auffszagung wañ sy  
seind blind / das ist vnwissent / den blinden fierer / so ain  
blind dem anderen blinden den weg weyset / fallen sy  
baid in die gruben. Stud. Du solt den bapst vñ bischof  
nit straffen noch rechuertigen / was sy dir sagū das solt  
du chū. Karsthans. so sollen sy das euangelii vnd ge  
schuften krefft lassen / nit mit irem faulen geschweiz  
ringern / vñ von rechtem verstand dungen mit gewalt  
wañ durch die geschuifte erkent man on felen alzeit / ob  
solch oberkait recht regier oder nit / wañ die geschuifte ist  
der recht hauptbrief so Christus vns verlassen hat dar  
nach sich die cristenhait richten sol als nach ain rich  
scheyt / vñ zuvor der bapst vñ bischoff sollen durch dise  
prullen alle ding vrtailen vñ sehen / neben disen prullen  
sollen weder sehen noch horen. Ja sol ich ain mal cruz  
lich reden / ſiber vnd ausserhalb der gdelichen geschuifte  
hat weder bapst noch bischoff kein gewalt als wenig  
als ain stain. Stud. du bringst vns in not laß ain ding  
ain ding sein. Karst. so laß fürbaß / möchte leiden es wer  
schier auß. Studens. Es seind vil neben wort / gefelt es  
dir so wil ich die fürderlich puncten lesen / darauß etwz  
lernen magst. Karsth. mach an. Studens. Sage doctor  
Murner weiter also / es ist niemant also vnfinnig der  
nit verstand wa das hin diene so die vnderthon die ober  
kait rechuertigū / wa her in der gwalt kum. Karsth. der  
rechuertigū hab ich ain klain vor gesagt mein gde be  
dunckē / so aber Murner sage / man mōg wol gedencen  
wahin es diene. ich hoff zu gde wañ vilmal oberkait  
gerechuertiget ist worden vilmal zu gde erschossen  
wie oft man ist dz bey vnsern zeitē künig kayser bischof

42  
bapst irs fürnemens gehindert werdn durch ir rätregen-  
ten/perlament/widersprechung der gmainen/vnd da-  
durch vil blut behalten das sunst vergossen würd/het  
ain gemain zu Rom den hochfertigen künig Tarquinū  
nit außgeiagt/was het er böser stück volbracht das da-  
mit geweret ward/was mainest das des herzogens von  
Wirttenbergs vnderthon fleiß vñ bit ankert haben das  
ir haupt gesund würd/in lassen ermanē/vnderweysen  
grosser beschwerden so er auff sein stett versagung thet  
durch heirn/fürsten/ durch Maximilianū den gütigen  
fürstn vñ kaiser/was halbs. hō: wol/man sol dz haubt  
lassen ymer krencker werden vñ wütig/die vnschuldige  
lassen ermorden/henden durch sein aigen hend/welst  
falsch ritterschafft treiben backen vñ nasen abschneidn  
wz wund habē vil bepft volpracht dz vnmenschlich zu  
sagē ist.vil mord schand schadē ergernuß auftribē. Mer-  
curi. vt de facto vnus post aliū adanget abundanter.es  
ist yez kain bapst ij. oder iiii. jar lang/ er muß ain feld/  
schlacht verfurn oder ain hern vertreiben oder sunst ir/  
rung vnd weltlichn fürsten anzetlen/die ding geschehē  
alle neben dem glauben. Tu haben die Turmaur ain  
schōn crifilich warhait ja hindſich wie die paurn spies  
eragē erdacht.den bapst mög niemā straffen noch vntatē  
len noch absezē den alain so er offelich im glaube irret  
O lieber sun sy habn soull mit weltlichen land vñ leuē  
ten zuschaffen dz der glaub wol zu rā bey in beleibē.vn-  
wissenhait/hoffart/vnkeſchait/pomp/torecht gefarz  
schinderey/geit/kaufmanschaft beym datorē dauon der  
Luther sage/die ding haiffen nit geirt im glaube/wen  
der bapst nurnit offelich am Campislor ain saul auff  
richt vñ ain kalb drauf anbetet vñ weyroch opfert/hat  
er nymer im glaubē geirret. Studens.er ist die regel des  
chūflichen glaubens. Mercurius aliquando sathana.

Karsihans. Liß weiter. Studens. Weiter sagt Murner  
weñ der haß dem hassner verweiset dz er in nitt zū ain  
kriß gemacht hab 2c. Karsihans. O lieber sun wießtim  
plet das thier so vngeschlacht ding. Stu. Wie so mein  
watter. Karsih. Da wil der Murner die götlichen wort  
durch den propheten auff die torochten geschichte etlicher  
gemalter heupter ziehen. sampt darauß volgen sol got  
habs also vn widerspredlich vordnet zū halten den men  
schen ir bößhaftig vñ vnnütz regiern sol nieman andern  
noch strafen so doch Paulus sant Peter hertlich straf  
fet vor yederman/ weñ Murner Paulum gesehen het/  
wölte ich in haßsen darin lesen so er schreibt zū den Rö  
mern am neunden capitel. Studens. Loß weiter vater.  
Sagt doctor Murner weiter in seim büchlin/ vñd wie  
wol auch in dem stuck diser oberkait (vermainet er des  
bapsts oberkait) das mōcht erliten werdē dz man offen  
lich darvon redet/ ist doch das verboten/ zwitrachten zū  
meyden vñd auffrüren. Karsih. So alain das stuck so  
selzam ist/ da außtr vñ zwitracht zū fürston/ das es nie  
etwan ain mal außsündig mōg werdt/ wie kompt dan  
das vil so glicher stuck seind/ darin lasset man grüden  
recht vñd leg machen/ hetie war/ morgen erlogen/ were  
dennoch nit aufftr als er sagt. Mercurius. Sunt enim  
verba tantum illa cōmoda. Sage man doch gemain/  
Elied also/ krieg wirt von wegen des freids/ ich mōcht  
noch schier mit dem Luther sprechen die sach wer arg/  
wōnig/ mōcht das liecht nit leiden. Stu. Was gat dich  
das an loß weiter/ sagt doctor Murner aber in seinem  
büchlin. Auch seind vil wie Doctor Luther die soldatē  
wider des hayligen euangelij bezwingen vñ auff iren  
syn gewaltigen dan weder die wider dan der syn geben  
mōgen 2c. Karsih. Das du yetz gelesen hast/ hat der Mur  
ner doch für vñ für fleißig gehalten dzer nit auf der straf

sen be'iben ist. Aber doctor Martin Luther meines be/  
dunkens/tausentmal geschickter ist in gemainem na/  
türlichen verstande von der geschrifft zu reden/ dan der  
Murner. Studens. Wa doch Karsthans. Lieber sun  
liß das teütsch büchlin vom bapstumb/so Luther dem  
barfüßer münich zu Leyppzig geschriben hat/wirst du  
erfarn sein grosse erleuchtung vñ stanchaftige mainüg  
der geschrifft. Studens. Du wilt mit den geleerten leuten  
reden/ vñ erzaiGEST ain rappen vnderder menig weißer  
schwannen. Karsthans. Der rap hat auch sein gesang  
eben als wol als die schwanē etwan ir grünen/dieweil  
du vnd dein gesel (mit den schlangen vmbden slab ge/  
wickelt) so witzig seind/vñ sters latein blepern. Sagū  
mir ains/wie kompt es/das ir geleerten wenn ir dispu/  
tieren/altweg ainander beschuldigū ainerzwing die ge/  
schrifft/der ander verstand sy nit/als der hans Eckius  
dem Luther zūgelegt hat zu Leyppzig/vñ yetz das graw  
vngelheir thier abermal zūaiget. Mer. Pharisæus hypo/  
crita nomē eius. So ich der beschuldigūg in kainer spr/  
ach souil erhört hab/ist die latinisch sprach so trüglich  
solt man das hailig Euangeli vñ geschrifft nit darcin  
verwandlet hon/vnd ir pfaffen so ir so lang dartzū ge/  
schwiegen haben/vns arm ainfeltig layen in solcher vn/  
wissenhait da durch lassen komen biß yetz doctor Mar/  
tin Luther komen/er hatt ain rechten namen Luther/  
wan er wil eüch grossen pfaffen zūwil lütern/wil glau/  
ben(als der menig Murnaw auch klage)ir ließens vil  
lieber im trüben bleiben. Merc. extasis. Studens. Ain  
vnweyßer micht mer fragen dan der Bapst selbs künde  
verantwurten. Karstha. ho/der bapst ist doch der aller  
hayligst/ so ist er auch der aller geleertst/er künd mirs  
bald sagen. Merc. Igne. Studens. Du versündest dich  
fast mit sollichen fragen. Mercurius. Sricando canatū.

Karst. Ich red doch sein eer daz er hailig vñ gelert sey/  
hat doch vnser heri gesprochen zñ sant Peter vñ andern  
zwölfspoetn/ir seind d3 salz des ertrichs/ir seint d3 liech-  
ter welt. Stud. Das solt du vñ die paurn wol enpfünde  
weñ ir den zehenden vñ zins vñ schuldn nit bey zeit zal-  
ten/ob sy salz weren oder nit. Karst. Seint sy kain and  
salz dan als du sagst/wer güt d3 sy bey dem andn mör  
salz zñ tieffest im grund legen/ wan sy salzn(nemlich  
kait in der hell fundn wirt. Weñ ist d3 buch aufgelesen  
ich bin vñtrig so an vñnügen dingen. Stud. Weiter  
gibt der Murnar ain hilpsch einleitug auß geschichtn  
nit alain auß gödelichn büchern/sund auß aller erfaren-  
hait der menschn d3 ain solche pollice vñ regimēt mit  
der vile zñ guberniern nie hat mögē die leng beston zc.  
gibedes anzagug durch die Römer die erstlich mit der  
gmain zñ regierug vñdstandē kam es erstlich auf die kün-  
ig/den anf die rats hern/daruach auf die kaiser also d3  
alweg von der vile auf ainē kam zc. wöller messenlich  
auß allen historiē/wa die oberkait des glaubens yetz ab-  
were vñ die gmain ir solchē gwalt selb frenelich haim-  
zuge/die leng auch nit beston würd/sund nach mensch-  
licher art notdurfft vñ gelegenhait wiß auff ain fallen  
würd zc. Karst. Hē hör machst mich taub. Sta. hē die  
hailigē schrift. Merc. Titu liuiū. Karst. ja wol cigkum  
tegtū/wil der Murnar vnserm cristlichn glaubn grūn/  
den in gleichnuß menschlicher tochter geschicht dert  
irrug kain maß geschepft mag wardē/dmaine in: glich  
nuß wa ain land nit ain künig od fürstē hat/möcht d3  
land nit beston. Also wa der glaub nit ain oberkait vñ  
ain haupt het möcht der glaub in der gmain nit lang  
beston. Loß du coube schellige murnar du falsch er-  
rel- ling ich sag wa d glaub nit ain haupt het wecht er nit



alain nit lig bestē sond es wer kain glob wann d glaub  
 sol er sein so muß er gericht sein gegen etwas das man  
 glaubē sol. Aber dz so man glaubt in rechter cristenhait  
 ist wed bapst bischoff noch kayser/sund Christus jesus  
 der lebendig sun gottes/der ist diser selb/darauff cristli  
 cher glaub rüwet/der ist dz lebendig haupt von welchē  
 cristlicher glaub fleußt on mangel on welchs haupt di  
 ser glaub nit wirt angefangē noch volbracht Witer der  
 glaub ist ain wirtkūg des hailigē gaisis in vnser selen  
 gat den leib nit an/wann d leib fur sich selbs nit nūg ist  
 nur schedlich/wann ertzeit wiß die sel streyt/darū darf  
 vnser cristlicher glaub kains leipliche haubtes so es ain  
 gaisstlich ding ist. der bapst gib mir kain glaubē wag  
 mir aber wol ergernuß im glaubē gebē gib mir auch  
 kain göseliche lieb noch göselichhoffnūg. So dan in di  
 seu dreyen stuckē die cristlich kirch(so do ist ain gemain  
 schafft aller hailigē/das ist aller außerswölten cristen)  
 in ainē gaisstlichen leib zusamē verainet wirt/muß von  
 not wegen diser leib so er gaisstlich ist im hailigen gaisst  
 auch ain gaisstliche haubt haben vñ nit ain leibliche  
 haupt als die karn auf dē techern murmarwē/dz haupt  
 ist der außerswölte lieblich preitigē Christus jesus/diser  
 leib aller außerswölte hailigē die schön sponß on rimglē  
 vñ macel. Wen der bapst dz haupt wer vñ seine cardis  
 nel vñ bischoff/vñ mūch der leib/hilff hergot w3 wils  
 sten/lufige grind etwan für ain haupt registret/w3 ma  
 nig plater vñ frey an vil orten des leibs fundū wöird  
 job ganz schlaffen in allen sein platern vñ geschworen  
 Stud. Du sagst das selgamest ding/loß was der Mū  
 ner sage. Karst. Heb also bist nit am end wann ich nyms  
 in r mag hñen. Stud. Schier am end der vorred des er  
 sten bleelins. Kar. ho he he sein souil vnnūg geschwetz  
 an ainem blat/was ist so man hinein kein ich hab des



Murners Kunst genög erfahren/wie tieff er in der haxli/  
gen geschriffte sich gerümet hat. Wil glauben ergang  
in der geschriffte vmb als er gethon hat in seinem büch  
lin zum Barolo vnd teütschem Adel/do er vnderständ  
die drey mauren(so doctor Luther vmbgeworffen hat)  
wider auff zu richten/ da kan er den gücten Luther nit  
gnög schendē/vñ im verweisen wie er das wörlin cor  
pus nit recht geteütschet hab/das corpus ain leib haiß  
sonder corpus haiß ain versamlung/hab ich in allen  
sprachen so sich zum latin ziehen gefragt/so wirt es zu  
teütsch allenthaltē ain leib gehaissen/vnnd membriß  
ain glid/doch nach Murners latein haisset corpus vil  
rösch/membrum ain schneyder/gibt Murner dem armē  
Luther ain ripstoß/ so er des teütschen syn vrsach gibe/  
wen wir nit warlich ain rechter leib mit Christo seind  
sonder ain vergleichter leib/vileicht mit freiden an ain  
tafel gemalt/hat sant Paul vileicht beim wein geret zu  
denen von Ephesijs am ersten capitel da er spricht(ver  
stand Gott der vatter) Er hatt in gegeben/ das haupt  
über alle versamlung/ welchs sein leib vñ sein volkom  
menhair ist/hie zehet Paulus Murners teütsch wider  
hindersich in den leib so er spricht/alle versamlung sey  
sein leib (als dan doctor Martinus Luther geteütschet  
het) dz aber Murner frid geb/so stat in dem spruch cor  
pus vnd ecclesia/vnd wirt ecclesia interpretiert das sy  
sey corpus Christi/doch muß ich doctor Murner ainen  
zeügn auch pringen das dem also sey. Sagt Gregorius  
in Moralibus. xlv. capiteir. Spricht er also/Wann  
Christus vñ die kirchen ist ain haupt vnd leib/ain per  
son. Vnd über den propheten Ezechielem Omelia xv.  
die Christlich kirch ist ain substantz mit Christo irem  
haupt/ist nun die christlich kirch ain substantz/ain per  
son mit Christo, wa bleibt der vergleichte leib/ mainet

vileicht eufferlich hend vñ füß der alten weiber fleisch  
Aber do Murnar den ainfeltigen Luther falsch in der  
geschuffte erfunden hat/hat sich Luther übersehñ grob-  
lich/so Luther durch die geschuffte anzeigt das wir all  
priester pfaffen vñ pfeß in seind/nemlich in der ersten  
Epistel sant Peters am andern capít. da er also anzeigt  
sprechende/ir seind ain künigklich priesterthumb/vñd  
ain priesterlich künigreich/ zayget auch der Luther des  
weiter kuntschafft an/so im büch der haimlichen offen-  
barung an vil ortñ stat lauter geschriben/nemlich am  
ersten capítel vñ am fünfften capítel mit außsprucken  
worten. So wiß mein Murnar herfür mit sein gauch  
glauben/vñ schweigt der anzeigten capítel ganz über  
hupffet die frey darauß der Luther sein fundament an-  
zeigt/vñ nympt ain ander capítel darñ nit die spruch  
stond geschriben als auff das drit capítel. i. Pet. Ir söl-  
len all ainmütig sein im glauben/da zeichet der gauch  
maister den kloben/da schreit er größlich dz weder wort  
vil noch wenig da stond/so söllich priesterschafft an-  
zeigt. Darü abermal wöl er all welt vor doctor Luther  
gewarnet habñ wie er in der geschuffte falsch vngang.  
ic. lieber Murnar nym dich selbs an disem ort bey der  
nasen/weil ach ten dir stinck der athem leichnam übel.  
Mainst das ich nit recht hab gesehen dein büch lin vñ  
doctor Luthers büch lin so ir baid dem Adel zugeschribñ  
hond/leg die epistolae Petri darzwischñ für ain richter  
wilt dir ain sentenz des du dich billich vor biderleuten  
schemen müß/das du dem gütten man Luthero sein eer  
vñ christenlichen lümden vor aller welt abstiehest wider  
got vñ die warhait / bist du ain Zwisst soltest du des  
wünziger sein gewesen/wilt geschweigen ain theologus  
lernest ander leute ir narren zú erkennen/wa seind deine  
blibñ/wa ist mein pffegel. Stundens. Ich bin auch ver

broffen worden / wie gefelt er dir. Gelt er hate pfeyl im  
 fcher. Karst. Ja leuß in der kurtten. Studens. Sag dir  
 er ist ain geschickte man. Karst. Das wissen die / die mit  
 im züschicken haben / got behüt mich vor im. Studens  
 Er geb ain gütten beichtuater hat vil erfahren. Mercuri.  
 Sterquilina meretriciū. Karsthans. Gibt auch ain gū  
 ten henßliner. Mercur. Consumatū. Studens. Wilt du  
 das ander büchlin vnder christenlichen vnd brüderli  
 chen ermanung gegen dem Luther von der mess auch  
 hören. Karst. Auß ainem blat hab ich wol verstanden  
 was brüderlicher lieb er im hertzen hat / will glauben  
 hets darfrum Luther am hals / würd im Murners lieb  
 das hertz abstoßen. Mercurius. Causlice. Studens. O  
 vatter er gibt im ain hohen titel / vnd hebt züchtig an  
 zū reden. Karsth. Es ist ain böse katz die vornen lecket  
 vnd hinten krazet. Mercuri. Ad circulū. Studens. Ist  
 er vormalis ain katz oderrölling gewesen / aber yetz nym  
 mer. Karsth. Das kalb schlecht seiner müter gern nach.  
 Studens. No chist er nymmer ain katz. Karsth. Hey wilt  
 du mich liebhaben mit der Kagen / an galgen mit der  
 Kagen. Studens. Ja mit der Kagen / aber nit mit dem  
 Murner. Karsth. Heyes sey Kagen / murmaro / oderröl /  
 lin z / lassen mich weyter mit den dingen vnbedümmert.  
 Ist er so gelert / zanger gen Wittenberg zū docto: Mar  
 tin Luther / wie Eck von spizen thon hat / der kan im  
 antworten. Mercuri. Nequam querit angulū. Karsth.  
 Ja er hat on zweyfel ain güstigen angel. Aldi / ich far  
 dahin. Mercurius. Di secundent. Studens. Vtique  
 valeat.



